

MINIT MESYUARAT
JAWATANKUASA KECIL PROMOSI PELAKSANAAN EKSA BHEUU
BIL. 1/2016

Tarikh : 12 Januari 2016 (Selasa)

Masa : 11.00 pagi

Tempat : Bilik Mesyuarat Cyber
Aras 5, Bangunan BHEUU

1. Perutusan Pengerusi

- 1.1. Pengerusi mengucapkan salam dan tahniah kepada kepada semua Ahli Jawatankuasa yang telah dilantik.
- 1.2. Mesyuarat juga bersetuju untuk melantik Puan Nor Wahida binti Abdul Muntak sebagai Setiausaha bagi Jawatankuasa Kecil Promosi EKSA.

2. Peranan Jawatankuasa Kecil Promosi Pelaksanaan EKSA, BHEUU

- 2.1. Mesyuarat ini diadakan bertujuan bagi membincangkan peranan serta aktiviti-aktiviti yang perlu dilaksanakan oleh Jawatankuasa Kecil Promosi Pelaksanaan EKSA dari peringkat permulaan promosi sehingga proses pengauditan dilaksanakan.
- 2.2. Antara pelan aktiviti yang dicadang untuk dilaksanakan adalah seperti :-
 - 2.2.1 Merancang dan menyediakan pelan pelaksanaan aktiviti promosi EKSA kepada seluruh warga BHEUU.
 - 2.2.2 Merancang peruntukan perbelanjaan bagi aktiviti-aktiviti berkaitan yang akan dilaksanakan.
 - 2.2.3 Mengadakan lawatan dan bengkel bagi tujuan pemurnian Garis Panduan EKSA serta memberikan pendedahan yang lebih luas kepada semua Ahli Jawantakuasa serta Ketua-ketua Sektor.
 - 2.2.4 Mencadangkan ganjaran atau pengiktirafan kepada yang layak.
 - 2.2.5 Melaporkan status pelaksanaan aktiviti dan tahap kesedaran EKSA di kalangan warga BHEUU.

Tindakan : Semua AJK

3. Email Flyers

- 3.1. Mesyuarat mencadangkan untuk menyediakan templat yang berinovatif dan kreatif serta berlainan melalui email yang akan dihantar pada hari Isnin setiap minggu kepada seluruh warga BHEUU sebagai salah satu langkah untuk mempromosikan EKSA.

**Tindakan : Pn. Nazlina, Pn. Norsan
En. Asnal dan Pn. Wahida**

4. Kotak Kitar Semula

- 4.1. Mesyuarat juga mencadangkan agar permohonan dibuat kepada pihak Perbadanan Putrajaya bagi mendapatkan kotak kitar semula untuk diletakkan di setiap sektor bagi tujuan pengurusan sisa pepejal seperti kertas dan barang-barang terpakai.

Tindakan : Pn. Wahida

5. Bengkel dan Lawatan Sambil Belajar

- 5.1. Mesyuarat dimaklumkan bahawa Bengkel Pelaksanaan EKSA untuk AJK serta Ketua Sektor akan dilaksanakan pada bulan Februari 2016.
- 5.2. Pengurus juga mencadangkan lawatan dibuat ke agensi-agensi yang telah melaksanakan EKSA bagi tujuan mendapatkan lebih banyak informasi serta idea untuk diaplikasikan di Bangunan BHEUU. Sebagai permulaan, cadangan untuk mengadakan lawatan ke pejabat Kastam Cawangan KLIA atau di Kementerian Pengajian Tinggi, Putrajaya.

Tindakan : Puan Atini dan Puan Azura

6. Hari Gotong Royong

- 6.1. Mesyuarat juga mencadangkan agar diadakan hari gotong-royong EKSA pada hari Khamis minggu akhir setiap bulan. Pelaksanaan gotong-royong ini akan dijalankan mengikut sektor atau zon yang telah ditetapkan. Pada hari tersebut, semua warga BHEUU dibenarkan untuk memakai pakaian yang bersesuaian bagi memudahkan aktiviti gotong-royong dijalankan. Sebagai langkah permulaan, gotong-royong dijadual akan dilaksanakan pada 28 Januari 2016 (Khamis).

Tindakan : Semua AJK

7. Video

- 7.1. Mesyuarat bersetuju untuk menyediakan video ucapan YBhg Datuk Ketua Pengarah BHEUU dan YBrs Timbalan Ketua Pengarah (Pengurusan) berkenaan pelaksanaan EKSA di BHEUU untuk dipaparkan di *i-Board* dan semasa perhimpunan bulanan BHEUU.

Tindakan : Semua AJK

8. T-Shirt

- 8.1. Mesyuarat bersetuju untuk mendapatkan kelulusan daripada YBrs TKP (U) bagi mendapatkan peruntukan tempahan T-Shirt EKSA untuk diberikan kepada semua pengurusan atasan, AJK serta Ketua Sektor untuk dipakai semasa menjalankan aktiviti gotong-royong. Pengerusi juga mencadangkan untuk mendapatkan sebutharga tempahan t-shirt tersebut dari syarikat pembekal. Warna yang dicadangkan adalah merah atau 'royal blue'.

Tindakan : Pn. Nazlina dan Pn.Wahida

9. Pelancaran EKSA di BHEUU

- 9.1. Pengerusi mencadangkan untuk diadakan 'gimic' pelancaran EKSA semasa perhimpunan bulanan BHEUU bulan Februari 2016 yang akan datang.

Tindakan : Semua AJK

10. Pengiktirafan

- 10.1. Mesyuarat bersetuju untuk disediakan ganjaran dan pengiktirafan kepada yang layak seperti pemenang bagi pertandingan mencipta logo EKSA BHEUU dan sektor yang berjaya memperoleh markah tertinggi daripada pengauditan.

Tindakan : Semua AJK

11. Lain-Lain

- 11.1. Pengerusi mencadangkan agar dibuat pengubahsuaian semula dari segi penyusunan perabot dan bunga hiasan di bahagian Lobi BHEUU supaya kawasan tersebut lebih menonjolkan imej korporat.

12. Penutup

Pengerusi mengucapkan terima kasih kepada semua yang hadir dan menangguhkan mesyuarat pada jam 12.30 tengahari.

SENARAI KEHADIRAN :

1. Pn. Nor Azlina binti Kamarudin
Pengerusi
 2. Pn. Norsan binti Samsul
AJK Promosi
 3. Pn. Nazlina Azlin binti Adamsah
AJK Promosi
 4. Pn. Atini binti Mohd Jalani
 5. En. Asnal Nadhim Khirudin
AJK Promosi
 6. Pn. Mahnum binti Daud
AJK Promosi
 7. Pn. Siti Azura binti Ismail
AJK Promosi
 8. Pn. Nor Wahida binti Abdul Muntak
Setiausaha
- Pengerusi
- Pencatit minit